



Broj: 10/E-11-2628-2/25
Sarajevo, ~~08-05-2025~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke usluga kolektivnog osiguranja uposlenika, imovine i vozila **za LOT 2 – osiguranje objekata i opreme**, putem konkurentskog zahtjeva za dostavu ponuda (Zapisnik o pregledu i ocjeni ponuda broj: 10/E-11-2628/25 od 29.4.2025. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**SARAJEVO-OSIGURANJE**“ d.d. Sarajevo, ulica Maršala Tita br. 29, 71000 Sarajevo broj: 01-3245/25 od 22.04.2025. godine za **LOT 2 – osiguranje objekata i opreme**, putem konkurentskog zahtjeva za dostavu ponuda, sa ukupnom cijenom premije u iznosu od **14.799,00 KM bez PDV-a**.
- II.** Ugovorni organ će sa izabranim ponuđačem zaključiti ugovor kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke usluga kolektivnog osiguranja uposlenika, imovine i vozila **za LOT 2 – osiguranje objekata i opreme**, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-2628/25 od 07.04.2025. godine. Predmetna nabavka je podijeljena na LOT-ove i to:

LOT 1 – usluge kolektivnog osiguranja uposlenika od posljedica nesretnog slučaja/nezgode;

LOT 2 – osiguranje objekata i opreme

LOT 3 – obavezno i kasko osiguranje motornih vozila

Na portalu javnih nabavki je objavljeno Obavještenje o nabavci broj: 848-7-2-34-3-96/25 od 14.04.2025. godine. Procijenjena vrijednost javne nabavke **za LOT 2 – osiguranje objekata i opreme** iznosi 25.000,00 KM bez PDV-a.

U krajnjem roku za predaju ponuda koji određen tenderskom dokumentacijom (29.04.2025. godine do 13:00 sati), na adresu ugovornog organa zaprimljene su dvije ponude i to ponude ponuđača „**SARAJEVO-OSIGURANJE**“ d.d. Sarajevo i „**ASA CENTRAL OSIGURANJE**“ d.d. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena urednost i blagovremenost dostave, pročitane su cijene ponuda kao kriterij „najniža cijena“, kako slijedi:

RB	Ponuđač	Ukupna cijena bez PDV-a (KM)	Popust	Ukupna cijena bez PDV-a i popustom (KM)
1.	„SARAJEVO-OSIGURANJE“ d.d. Sarajevo	14.799,00	-	14.799,00
2.	„ASA CENTRAL OSIGURANJE“ d.d. Sarajevo	25.599,58	-	25.599,58

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene

tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima. Komisija III je jednoglasno konstatovala da dostavljena ponuda ponuđača „SARAJEVO-OSIGURANJE“ d.d. Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Ponuda ponuđača „ASA CENTRAL OSIGURANJE“ d.d. Sarajevo nije prihvatljiva, iz razloga što je ponuđač dostavio cijenu premije za predmetni lot koja prelazi planirana, odnosno osigurana novčana sredstva ugovornog organa, a sve u skladu sa članom 2. stav (1) alineja I) podtačka 2) Zakona o javnim nabavkama.

Detaljnou računskom provjerom ispravnosti prihvatljive ponude „SARAJEVO-OSIGURANJE“ d.d. Sarajevo, Komisija III je utvrdila da je ponuda računski ispravna.

Primjenom utvrđenog kriterija za dodjelu ugovora „najniža cijena“, u skladu sa članom 64. stav (1) tačka b) Zakona o javnim nabavkama, Komisija III je konstatovala sljedeće:

KRITERIJ ZA BODOVANJE „najniža cijena“	„SARAJEVO-OSIGURANJE“ d.d. Sarajevo
Cijena 100%	14.799,00

Na osnovu izvršene analize ponude, utvrđeno je da je ponuđač „SARAJEVO-OSIGURANJE“ d.d. Sarajevo dostavio najpovoljniju ponudu za LOT 2 – osiguranje objekata i opreme.

Shodno svemu naprijed izloženom, Komisija III je jednoglasno donijela odluku da se Opštinskom načelniku dostavi

PREPORUKA O PRIHVATANJU PONUDE

ponuđača **„SARAJEVO-OSIGURANJE“ d.d. Sarajevo**, ulica Maršala Tita br. 29, 71000 Sarajevo, broj ponude: 01-3245/25 od 22.04.2025. godine za LOT 2 – osiguranje objekata i opreme, putem konkurentskog zahtjeva za dostavu ponuda, sa ukupnom cijenom premije u iznosu od **14.799,00 KM bez PDV-a**.

Opštinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe. Žalba se podnosi u dovoljnom broju primjeraka, koji ne može biti manji od 3 (tri).

Prilog: Zapisnik o pregledu i ocjeni ponuda
broj: 10/E-11-2628/25 od 29.4.2025. godine



Dostaviti:

1. „SARAJEVO-OSIGURANJE“ d.d. Sarajevo
Ulica Maršala Tita br. 29, 71000 Sarajevo
2. „ASA CENTRAL OSIGURANJE“ d.d. Sarajevo
Ulica Trg Međunarodnog prijateljstva br. 25 71000 Sarajevo
3. Stručnoj službi za zajedničke i tehničke poslove
4. Kabinetu općinskog načelnika – Odsjek za javne nabavke
5. Službi za finansije
6. U spis